



UNIVERSITÄTS-  
BIBLIOTHEK  
PADERBORN

## **Acta sanctorum**

quotquot toto orbe coluntur, vel a catholicis scriptoribus celebrantur, quae  
ex Latinis et Græcis, aliarumque gentium antiquis monumentis

Quo dies nonus et decimus continentur

**Bolland, Johannes**

**Parisiis et Romae, 1925**

De S. Spacio Martyre Andelaci In Agro Rothomagensi

---

[urn:nbn:de:hbz:466:1-72556](https://nbn-resolving.org/urn:nbn:de:hbz:466:1-72556)

PASSIO II eiaverunt. Turbatus Dyocletianus iussit <sup>4</sup> eos in amphitheatro bestiis tradi. Qui cum in nullo lederentur a feris, indignatus denuo imperat cli-  
 Dan. 3, 50. banum accendi. In quo cum psallerent <sup>5</sup>, ignis eos non tetigit nec quicquam <sup>6</sup> molestie intulit <sup>7</sup>. Erectis quoque de medio clibani, Dyocletianus iratus iussit leonem <sup>8</sup> fortissimum ad eos devo-  
 randos adduci <sup>9</sup>. Qui omni ferocitate deposita, cum in nullo eis noceret, iussit eos Dyocletia-  
 nus in catastam levare ibique extentos <sup>10</sup> una cum beata Florentia, que videndo mirabilia que in populo fiebant crederat, cedi. Cumque diu usque ad dissolutionem membrorum cederentur <sup>11</sup>, beatus Tyberius oravit dicens: « Domine

Christe Iesu, adiuva nos. » Ad hanc vocem terre <sup>12</sup> D motus factus est et templum corruit <sup>13</sup> maxi-  
 mamque populi partem oppressit. Confusoque <sup>14</sup> imperatore vix cum paucis evadente, angelus Domini descendit et sanctos de catasta eripiens ad locum ubi erant quando a Dyocletiano vocati eos transvexit. Ubi dum oraret beatus Tyberius elapsa voce celitus super omnibus de quibus Dominum deprecatus fuerat, exauditus se fore audivit. Completa autem oratione, suas immacu-  
 latas animas Domino reddiderunt <sup>15</sup>. Quorum corpora christiani colligentes in territorio Aga-  
 tensi <sup>16</sup> celebriter in Cesarione (1) aromatibus condiderunt.

animam  
Deo reddit.

<sup>4</sup> iussit 1. — <sup>5</sup> psallerent 1. — <sup>6</sup> quisquam 1. —  
<sup>7</sup> intulit 1. — <sup>8</sup> iterat 1. — <sup>9</sup> aduci 1. — <sup>10</sup> ex-  
 extentos 1. — <sup>11</sup> dissolutionem cuius usque dis. m. c.

1. — <sup>12</sup> tere 1. — <sup>13</sup> corruit 1. — <sup>14</sup> confusioque 1. —  
<sup>15</sup> reddiderunt 1. — <sup>16</sup> territorio Agatasi 1.

(1) Cesserone. Comm. prae. num. 1.

B

E

## DE S. SPACIO MARTYRE

### ANDELIACI IN AGRO ROTHOMAGENSI

TEMPORE  
INCERTO

H. D.

S. Spatii  
memoria.

1. *Andeliaci (Les Andelys, dep. Eure), qui locus est dioecesis Ebroicensis, olim Rothomagensis, passus esse fertur S. Spacius, cuius elogium duplex profert Andreas Saussayus. Et ita quidem primo loco: Quarto idus novembris. Andeliaci ad Sequanam natalis sancti Spatii martyris, qui ex Baiocae submaeniis originem trahens, eo tempore quo in procellis christiana religio efflorescebat, Christo ut testimonium illustre redderet, ad Castrum Andeliacum, inquinatum ethnicae superstitionis spurcitia venit: ubi, dum impugnat impios ritus purumque Christi cultum praedicat ac tuetur, sanguinis profusione confessionem suam obsignavit, atque eodem loco tumulatus insigne apud maiores meruit egregie confecti agonis monumentum (1). In Supplemento autem, quo praeter additios sancti nonnulli accuratius recensentur: Andeliaci ad Sequanam in agro Rothomagensi veneratio sancti Spatii martyris Baiocensis, cuius cum corpore sacro honorabile nomen antiquissima ibi religione observatur (2). Cum nulla sit huius sancti mentio in antiquis martyrologiis, nec ulla eiusdem Passio in codicibus occurrat, haec ex Baiocensium traditione, et hac quidem recentioris aevi, accepta sint oportet. In sola enim Baiocensi dioecesi S. Spatii memoria agitur.*

Lectiones  
breviarii.

2. *Quaecumque autem de eodem apud Baiocenses circumferuntur, congesta sunt in tripartita lectione breviarii Baiocensis, quam ex novissima eiusdem recensione proferimus: In ipsa civitate Baiocensi sanctus Spacius martyr natus est. Fi-*

dem christianam a parentibus simul et omnium virtutum accepit exempla; ipse autem paterna vestigia ingrediens, avita ampliorem gloriam adeptus est. Hic, Spiritus Sancti impellente gratia, licet sacerdotii dignitate insignitus non esset, saluti animarum totum se mancipandi consilium iniit, perficiendique propositi, tanta laude digni, occasionem quaesivit et nactus est. Ferrebat tunc Iuliani apostatae in Christi discipulos odium, unde cruentae in quibusdam locis exortae sunt persecutiones. Sanctus Spacius in ecclesiam Rothomagensis, ubi saeviebat inimicorum Christi rabies, transmeavit, ut fideles adhortationibus suis in fide confirmaret. Quum ergo Andeliacum devenisset, proditus et deprehensus a satellitibus, nec blanditiis nec minis ad deserendam Christi fidem adduci potuit et cum aliis quibusdam christianis, felici martyrio gloriosam vitam absolvit. In eodem loco clam et absque pompa sepultus est, anno secundo vel tertio supra trecentiesimum sexagesimum. Quodam elapso tempore, super tumulum sancti Spatii et sociorum aedificata est ecclesia quae postea facta fuit collegialis. Reliquiae vero eiusdem beati martyris et sociorum e sepulchro extractae et in diversa loca translatae sunt. Pede uno item et uno brachio sancti Spatii olim dotata fuerat ecclesia cathedralis Baiocensis, quae eximio honore sacras martyris exuvias venerabatur (3). Harum etiam nunc laetatur civitas Baiocensis partem aliquam tenere, tum in ecclesia cathedrali (4) tum praecipue in sacello hospicii infirmorum

(1) *Martyrologium Gallicanum*, t. II, p. 852. — (2) *Ibid.*, p. 1194. — (3) Ita et HERMANT, *Histoire du diocèse de Bayeux* (Caen, 1705), p. 29, ex « *Invent. eccl. Baioc. ann. 1369* ». Huius autem inventarii nullum superesse vestigium

monet R. D. L. Le Mâle, canonicus Baiocensis, a quo et alia plurima de cultu S. Spatii nos accepisse grato animo profitemur. — (4) A Calvinianis ablatae, reliquias postmodum restitutas fuisse ita narrat HERMANT, l. c., ex « *Reg.* et

A et in utroque loco congruens ipsis cultus exhibetur (1).

Cultus in  
dioecesi  
Baiocensi.

3. Quae de vita et passione S. Spacii hisce lectionibus afferuntur nullo prorsus remotae antiquitatis testimonio comprobantur, et a recentioris aevi hagiographo non ad rei veritatem sed ad veri similitudinem exacta sunt. Id unum indubium est, saec. XIII mediante S. Spacium in ecclesia Baiocensi veluti martyrem coli consuevisse. Ita enim habetur in eiusdem ecclesiae Ordinario, mense novembri, inter festa S. Theodori et S. Martini, id est die 10: Sancti Spacii, martiris, festum III lectionum, que sumuntur de omelia beati Gregorii episcopi super evangelium « Si quis vult post me » (2). Eodem die ad saeculum usque XIX

S. Spacii festum a Baiocensibus (3) celebratum fuisse breviaria et calendaria apertissime testantur. Ab anno circiter 1860, ad diem 14 eiusdem mensis translatum est; anno tandem 1914 ad morem pristinum regressum est. Reliquiae S. Spacii praeter eas quas diximus, servantur in ecclesiis horum dioecesis Baiocensis locorum: Campigny, Thaon, Saint-Contest (4). In civitate autem solebat inde saltem a saec. XVII capsula reliquiarum S. Spacii in sollemni supplicatione ad postulandam pluviam vel aeris serenitatem circumferri, ut ex annalibus ad annos 1698, 1715, 1716, 1718, 1719, 1723 constat (5). Quae in sacello hospiti infirmorum etiamnum servantur reliquiae saeculo XIX decurrente recognitae fuerunt (6).

AUCTORE  
H. D.

eccl. Baioc. »: « Lorsque les Calvinistes pillèrent cette église, un bourgeois de Bayeux nommé Senot, de la religion réformée, de la paroisse de Saint-Symphorien, dans le faubourg de Saint-Jean, acheta les deux os de S. Space de celui qui les avait dérobés. Cet homme étant au lit de mort, et mourant malheureusement dans son erreur, remit ces saintes reliques entre les mains de son fils, et lui recommanda qu'il eût à les garder soigneusement, parce qu'il avait expérimenté que dans les grandes sécheresses ou dans les pluies fâcheuses il obtenait les secours dont il avait besoin, en portant ces os secrètement sous son manteau autour de ses champs, comme les ecclésiastiques avaient accoutumé de faire publiquement dans leurs processions. C'est le témoignage qu'en rendit depuis son fils en se convertissant et en restituant à l'église cathédrale ces sacrés ossements. » Qua de re et haec leguntur in codice Bibliothecae Capituli Baiocensis « Ms. Renauld », saec. XVIII: « Le 4 août 1595, on apporte au chapitre un os de S. Space, martyr, lequel était depuis plus de 33 ans resté à la disposition d'un bourgeois. » — (1) *Supplemen-*

tum (Breviarium) pro insigni ecclesia Bajocensi, Pars autumnalis (Bajocis, 1900), p. 58-59. — (2) U. CHEVALIER, *Ordinaire et coutumier de l'église cathédrale de Bayeux* (Paris, 1902), p. 263. — (3) S. Spacii festum etiam in Breviario Sancti Sepulchri Cadomensis (Bibliothèque de l'arsenal, cod. 279) saec. XIII habemus. — (4) Ita R. D. Le Mâle, e tabulario episcopatus Baiocensis. — (5) M. BÉZIERS, *Mémoires pour servir à l'état historique et géographique du diocèse de Bayeux*, t. I (Rouen, 1896), pp. 104, 109, 112, 113, 118. — (6) « Aujourd'hui l'Hôtel-Dieu de Bayeux possède un ossement de S. Space. D'après une note rédigée par la première supérieure des religieuses de l'Hôtel-Dieu, morte en 1680, cet ossement, l'un des deux possédés avant 1562 par la cathédrale, tomba entre les mains d'un huguenot (*supra*, p. 410, annot. 4), passa entre celles de Mrs Bunel, et enfin à Mademoiselle d'Arganchy-André qui le donna en 1644 aux religieuses de l'Hôtel-Dieu. L'authenticité en a été reconnue au XIX<sup>e</sup> siècle, et en 1860 on en a extrait une parcelle pour la cathédrale. » Ita R. D. Le Mâle.

E

## DE SS. NARSETE, IOSEPH ET SOCHIS

### MARTYRIBUS IN PERSIDE

AN. 343

P. P.

#### COMMENTARIUS PRAEVIUS

SS. Narsetis et Ioseph

1. In catalogo martyrum orientalium qui subiunctus est notissimo illi martyrologio syriaco anni 412, inter episcopos nominatur: **ܠܘܝܢܘܨ ܕܢܪܫܝܬܐ**, Narses episcopus Sahrqarth (1). Is projecto vir sanctus est cuius praeclaram confessionem referunt Acta syriaca quae infra daturi sumus. Pertinent haec ad corpus quoddam hagiographicum, quod Simon Ioseph Assemani (2) et post eum Evodius item Assemani eius nepos (3) codici a se reperto nimium fidens existimavit saeculo V conscriptum a Marutha Tagritensi metropolita, Orientis maphria-

no(4), quem ambo putabant esse Marutham Martyropolis, i. e. Maipheractae episcopum, Theodosii II aequalem. Sed eruditi recentiores luce clarius ostenderunt Passiones quibus Maruthae opus constare creditum est alias ab aliis scriptoribus, neque eadem aetate compositas fuisse; etsi non negant ex earum numero forsitan aliquas computari posse inter *ἑπομνήματα* illa, quae Maipheractensis episcopus de martyribus orientalibus conscripsisse fertur (5). Ante aliquot lamen annos Michael Kmosko, Hungarus, sibi conitendum esse existimavit ut Marutham in pris-

Acta  
syriaca

(1) Acta SS., Nov. t. II, 1, p. [LXIV]; cf. F. NAU, *Un martyrologe et douze ménologes syriaques*, in *Patrologia orientalis*, t. X [1912], p. 24. — (2) *Bibliotheca orientalis*, t. I, p. 174-79; cf. *Bibliothecae Apostolicae Vaticanae codicum manuscriptorum catalogus*, t. III (Romae, 1759), pp. 319-20, 324-25. — (3) *Acta sanctorum martyrum orientalium et occidentalium*, pars I (Romae, 1748),

p. XLVI et seq. — (4) † ann. 649; de quo BHO, 719. — (5) Vid. R. DUVAL, *La Littérature syriacque*, ed. 3 (Paris, 1907), p. 122-23; J. LABOURT, *Le Christianisme dans l'empire Perse* (ibid., 1904), p. 52-55; A. BAUMSTARK, *Geschichte der syrischen Literatur* (Bonn, 1922), p. 55-57; et praesertim O. BRAUN, *Ausgewählte Akten persischer Märtyrer* (Kempten, 1915), p. x-xiii.

-finam